

先秦—清末

《中國野史集成》編委會
四川大學圖書館 編

中國野史集成

錢謙題



巴蜀書社

中國外史集


卷之二十一



《中國野史集成》編委會
四川大學圖書館 編

	中
集	國
成	野
⑥	史

先秦—清末



巴蜀書社

目錄 (第六冊)

靖康要錄	一
南渡錄	二六二
竊憤錄・續錄	二九三
阿計替傳	三一
南爐紀聞	三一三
中興戰功錄	三三一
偽齊錄	三四三
親征錄	三六二
龍飛錄	三六九
思陵錄	三七五
采石瓜州記	四二七
書虞雍公守唐鄧事	四三五
紹熙行禮記	四三六
開禧德安守城錄	四四二
中興御侮錄	四六二
襄陽守城錄	四八七
宋季三朝政要	五〇四

辛巳泣薪錄	五六三
咸淳遺事	五八二
匡山集	六〇五
丁晉公談錄	六三三
聖宋掇遺	六四一
王文正公筆錄	六五三
歸田錄	六六二
國老談苑	六八五
碧雲暇	六九八
儒林公議	七〇一
東齋記事	七一六

靖康

要錄

十六卷

刻靖康要錄叙

靖康要錄十六卷不著撰人名氏舊本題曰孝慈淵聖皇帝要錄

四庫全書本題曰靖康要錄與書錄解題文獻通攷合書錄解題曰靖康要錄五卷不著撰人名氏自欽廟潛邸迄靖康元年

靖康

十二月事文獻通攷同文淵閣書目亦著于錄注曰二冊愚謂書名孝慈淵聖皇帝要錄直齋貴與皆宋人不應改題靖康之目且陳鵬見本訖元年十二月事今本記事訛誤至二年五月一日高宗即位止

步陳鵬見本訖元年十二月事今本

四庫全書提要云考書錄解題載欽宗實錄四十七卷乾道元年修撰洪邁等進此必實錄既成之後好事者撮其大綱以成故以要錄名案歷代實錄題名皆全載謚法廟號今以舊本題名証之其為實錄節本無疑提要所言誠定論也

靖叙

二

文淵閣書目字字號別載宋朝要錄四十冊註曰缺恐當時每朝實錄皆有節本今僅存靖康一朝耳宋時當有刊本近古藏家惟傳抄帙是本凡遇聖旨聖慈御札等字皆提行桓字構字皆注御名當從宋本錄出惜展轉傳

抄謄奪幾不可讀因取所藏三本互相讐校又証以徐夢莘北盟會編楊仲良長編紀事本末陳均九朝編年備要李惠十朝綱要無名氏宋史全文趙忠定諸臣奏議諸書增補凡數百字改正凡數千字付之梓人明知其誤而寄

書錄

五

校正者仍之別為校勘記附于後書中事迹多可補宋史之缺王維儉撰宋史記柯維騏撰宋史新編皆未見其書後有改修宋史者其將有取于斯乎光緒十二年歲在柔兆閏茂霜月既死霸詔授榮祿大夫三品頂戴前分巡廣東

高廉兵備道加四級歸安陸心源撰



靖教

由

靖康要錄卷一

孝慈淵聖皇帝御名道君太上皇帝長子母曰惠恭皇

后王氏以元符三年四月十三日生於坤甯殿九月

賜名亶授檢校太尉山南東道節度使韓國公

建中靖國元年六月遷開府儀同三司興德軍節度

使進封京兆郡王

崇甯元年二月改賜名熒八月又改賜今名

大觀元年十一月詔曰朕荷天眷祐景命有僕承家

之慶是生多男年近幼學未親師友因嚴以教宜及

靖康要錄卷一

其時京兆郡王御名高密郡王楷可於來春擇日出就

外學其輔導講讀之官宜以端亮鯁直有文學政事

人充選以稱朕意記室翊善可如王友例令王答拜

于是以祕書監蔡翥為翊善左司員外郎沈錫為侍

講國子司業汪繡為記室安德軍節度留後知入內

侍省楊震提舉管勾本位大觀二年正月遷司空

武昌軍節度進封定王八月以國子祭酒汪繡為翊

善起居郎翟汝文為侍講起居舍人俞橐為記室俞

橐遷以起居郎石公弼代之會惠恭皇后崩至政和

元年二月始詔太史擇日以丑出就資善堂聽講讀以光祿少卿李詩為朔善辟離司業耿南仲為侍講司門員外郎鄭修為記室甲寅詔宰臣執政官許就資善堂見定王御名嘉王楷王迎揖于門升堂就坐王西向宰臣執政官東向送亦如之

二年九月侍講鄭居中因奏事請筵乞講讀官至資善堂見二王許之四月鄭修卒以左司員外郎張叔夜為記室叔夜罷以符寶郎陳錫代之

三年正月改官制授少保

靖康要錄卷一

四年二月甲戌行冠禮于文德殿或云福壽殿先是御製

冠議降議禮局載五禮新儀之首至是始舉行焉

三月辛卯詔曰若昔明王誕受厥命建立儲貳以係

天下之心朕嗣無疆大歷荷天之休誕育元良是居

冢嫡長子御名年逮志學冠于治朝百辟具瞻主器之

長永惟宗廟之重父子之恩考循舊章正位東宮明

兩作離為國大本可以來春出閣立為皇太子其建

宮室設官屬與儀物制度宜令有司討論典禮前期

辦具以開邦家之慶與四海共之 十一月己亥詔

皇太子慶會上壽押百僚班又詔皇太子御名時許逐室行禮

五年二月乙巳制曰若昔先王躬建儲貳以隆萬世之統以係四海之心朕繼世承平念國大本邇追來孝垂裕後昆永唯承宗之艱莫如主器之長者爾萬邦之有眾聽予一人之告猷皇長子少保武昌軍節度使定王孝友得于天資溫良成于日就出學外傳率履無違既冠昨階其儀可象方景命有僕介壽考之萬年而明兩作離兆本支之百世蔽自朕志格于

靖康要錄卷一

三

天心孚吉大廷用申錫類夫慎乃德惟忠惟孝欽汝止惟幾惟康用克相于我家以對揚于休命可立為皇太子仍令所司擇日備禮冊命丁未出閣詔改其閣為府甲寅有司備法駕儀仗列于大慶殿文武百官各服朝服立班于庭執事官入就位皇帝服通天冠絳紗袍御殿皇太子冠遠遊冠衣朱明衣執桓圭以入受冊于庭以翰林學士承旨強淵明為禮儀使翰林學士王黼撰冊文冊文開或云劉正夫撰宣和殿學士蔡攸書冊殿中監高伸書寶禮畢太師

魯國公蔡京率百官稱賀訖又詣東宮賀皇太子如故事以戶部尚書劉炳翰林學士承旨強淵明爲賓客中書舍人蔡靖陳邦光並爲詹事祕書監李詩爲顯謨閣待制左庶子兼侍讀宗正少卿耿南仲爲徽猷閣待制右庶子兼侍講祕書少監蘇桓改名燁爲左諭德太常少卿葛次仲爲右諭德國子司業曾椿殿中特御史華寔並爲舍人知入內侍省楊震董懋提舉左右春坊事內侍客機黎景年全淵張彥卿周珣王若冲王珂管勾左右春坊事劉淵爲家令皇甫僅爲承父丁巳脩法錫壽太廟免乘金輅及用鹵簿止依常儀乘馬至太廟易朝服行禮又奏乞免官僚稱臣並從之

戊午奏臣竊觀自昔東宮建司設局張官置吏往往竊有所擬無所不脩考其執事毫無毫末顯是慕爲虛名徒費廩食書曰慎乃儉德惟懷永圖臣立身之始敢不念茲伏望

聖慈詳察應東宮官吏不必具備諸司庶局頗令兼攝至于閑徒冗卒舊例有者亦可蠲除務從儉約如

此則不惟臣少安私分仍得清心省事專精問學仰副君父教育之意又奏臣昨就資善堂聽讀尋常須候邇英經筵已開方取旨定日恭惟聖學高妙羣臣莫及躬御經筵但欲遵承祖宗故事非待儒臣講說修補聖明如臣之愚正當力學不可曠日豈應擬視經筵兼臣問安視膳之外過還府第綽有餘暇況不同往日深在禁嚴出入不敢自便今欲乞聖慈許令每日不拘早晚但稍有閒隙卽請學官赴廳講讀所貴爲學日益有以副聖慈撫育之意

九月乙酉詔皇太子遇天霽節赴垂拱殿止壽于親王前別爲一班家令劉淵罷以梁平代之

六年四月以禮部尚書白時中刑部尚書慕容彥達爲賓客吏部侍郎劉煥給事中方會爲詹事太常少卿賈安宅爲舍人內符寶郎馮楊爲家令

六月乙亥詔納故少傅恩平郡王朱伯材女孺人朱氏爲妃令所司備禮册命是月癸未親迎癸丑詔自今車駕行幸皇太子免起居儀衛

七年十月生子爲嫡皇孫封秩比皇子以起居耶李

彌大起居舍人趙野爲舍人彌大野辭以太常少卿
柯棐爲右文殿修撰國子司業魏憲直龍圖閣專其
事

八月劉煥方會罷以左庶子李詩右庶子耿南仲爲
詹事宣和九年以秘書少監曾楙秘書監王易簡爲
舍人曾楙遷以國子司業程振代之至七年李詩卒
以禮部侍郎王易簡爲顯謨閣直學士充詹事兼侍
讀上聰明仁孝好學而喜文自以地偶而望崇每懷
兢畏講讀之暇唯以養器貯魚而觀之他事一不關

靖康集卷一

六

懷人莫能測也

宣和七年十二月皇太子除開封牧二十日差內
使梁邦彥黃僅押賜皇太子碾玉龍束帶一條不許
辭免

二十二日閣分大內娘子用小輦十餘乘入東宮府
議事二十三日申時後入內侍官黃僅傳聖旨押
皇太子入殿內續有快行親從官十餘人催上馬入
殿至夜不出至五更太上皇帝徑出殿住龍德宮
德皇后出住顯景園改充寧德宮是日皇太子登寶

位

先是太上皇帝御玉華閣先詔宰執及給事中吳敏
等日晡內禪之議已決擢吳敏爲門下侍郎草擬位
詔召百官班垂拱殿下宣示詔旨是夕命皇太子入
居禁中覆以御袍皇太子俯伏感涕力辭因得疾召
東宮官耿南仲視醫藥至夜半少蘇翌日又固辭不
從及卽大位御垂拱殿見宰執百官大赦天下

靖康集卷一

七

宣和七年十二月二十三日庚申皇帝卽位壬戌制
曰我國家創業守成紹二百年之祚運宅中圖大奠
三萬里之幅員施及眇躬嗣膺神器永念繼承之重
懼及春冰載惟臨馭之艱凜深朽索矧今邊陲未靜
師旅方興肆推曠蕩之恩用慰遐遐之望可大赦天
下應常所不原者咸赦除之

制以皇太子妃朱氏可立爲皇后

癸亥詔越王燕王賜入朝不趨贊拜不名

詔梁方平將兵七千守潛州何灌將兵二萬守河津
以探報虜騎漸逼故也

丙寅詔上道君皇帝尊號曰教主道君太上皇帝

君皇后曰道君太上皇后令禮官討論典禮

靖康元年正月一日丁卯皇帝御明堂青陽左个以歲運播告天下又詔班月朔受百官朝賀退詣龍德宮朝賀太上皇帝百官班門外宰相執政進見

御批朕光膺眷佑寅奉燕詒載惟非薄之寶獲撫盈成之運宵衣罔怠旰食靡遑發政施仁懷日靖四方之志經文緯武圖永康兆民之功式紀初元是新美號庶格神靈之助遂臻華夏之和茂謹王春豈特遵魯史踰年之義適寧國步蓋將紹周人過歷之期白

靖康要錄卷一

八

宣和八年正月一日改爲靖康元年布告多方咸體朕意

詔曰朕聞本從繩則正后從諫則聖若古有訓朕甚慕焉內顧眇躬獲保大器未燭治道若臨深淵思聞盡言以輔不逮應朝廷之闕失政令之僻違保邦御俗之方安民禦戎之策詢于有眾咸極敷陳惟肯鯁是求惟藥石是用毋或回隱溺于導諛咨爾忠良片聞正論至於逆耳而利行朕當舍己以從人雖有過差必無罪譴朕言必信眾聽無疑自今中外臣僚

至民庶並許寔封直言得失在京于合屬處投進外于所在州軍附遞以聞布告遐邇咸知至意臣僚上言應諸軍坐倉指揮更不施行從之

二日聖旨恭奉道君玉音比以憂懃感疾禱于太清旋日康復方晏處琳館靡有萬機之繁可以躬伸報謝今春就貞元節前擇日詣亳州太清宮燒香朕祇奉睿訓敢不欽承其令有司前期戒具供頓儲億母或不虔御史中丞陸德先除職與郡僚猷閑待制何臬除御史中丞國子祭酒謝克家起居舍人唐

靖康要錄卷一

九

重並除左諫議大夫中書舍人王雲除給事中侍御史鄭滋除中書舍人國子司業孫觀除侍御史任諒知京兆府替盛章赴闕

三日詔曰朕以金國渝盟藥師叛命侵軼邊鄙劫掠吏民雖在繼承之初敢忘付託之重事非獲已師是有名已戒六師躬行天討將士銳于敵愾夢卜肇于襲祥庶寧邦國之虞克紹祖宗之烈應親征合行事件令有司並依眞宗皇帝幸澶淵故事疾速檢舉施行

聖旨道君太上皇帝臨御天下常恐一物失所一
不被其澤朕每問安視膳親聞至訓而臣下之務爲
誕謾蒙蔽四方利病不卽以聞比者發自膚旨親布
德音凡擾民害物之事一切除去百姓伏讀流涕嘆
息自今仰官司悉意奉行敢有苟簡滅裂懷奸挾情
以沮格詔旨者並重行憲典

聖旨詔命之出以信四方倘朝令夕改人用不孚自
今令三省詳議施行不得輕有改易使人心生疑惑
凡詔勅有不經三省者官司不許施行違者並科違

靖康要錄卷一

十

制之罪

聖旨方今軍興應內外官司局所除留後苑作製造
御前生活所應副道君太上皇帝外其餘一切依熙
豐法令罷者並罷錢物並歸左藏庫造納三省樞密
院條具以聞由是凡一百五處皆罷之 聖旨召募
武學及第有材武方略或有戰功及曾經戰陣及經
邊任大小使臣及諸色有膽勇敢戰之人 聖旨祖
宗典訓具存綱紀修明四方孚信朕初嗣大統當與
執政大臣共遵成憲自今除授黜陟及恩赦等事

須參酌故筵進呈取 旨施行

吳敏除知樞密院事 唐恪除吏部尙書 李稅除

同知樞密院事 聖旨從官不才者並取旨罷在外

從官填闕 宋曠除徽猷閣待制添差發運使 王

時雍除戶部侍郎 盧益除知東平府 蔡脩除資

政殿大學士知鎮江府 聖旨朱勔放歸田里王黼

責授崇信軍節度副使永州安置李彥賜死王黼李

彥並籍沒家產

門下侍郎吳敏除親征行營副使許便宜行事

靖康要錄卷一

十二

兵部侍郎李綱顯謨閣直學士聶山除親征行營使

司參謀官團結兵馬于殿前司 太保領樞密院事

恭攸除蔡謫行宮使尙書右丞宇文粹中除蔡謫行

宮副使廣陽郡王童貫除東京留守 奏報幹離不

兵距河澮州不守梁方平戰敗斃橋而遁何灌軍馬

望風潰散賊遂渡河 是夜漏二鼓道君太上皇帝

出通津門東下太上皇后及皇子帝姬等相續而行

侍從百官往往潛遁

四日聖旨今來團結軍兵禦捍賊馬如立到功效並

當不用常制倍加酬賞兵部侍郎李綱除尙書右丞
東京留守同知樞密院事李梲除副留守時從官以
邊事求見者皆非時賜對綱侍班延和殿下問宰相
執政欲奉鑾輿狩襄鄧遇知東上閤門事朱孝莊語
之曰有急切公事欲與宰相執執勢公能奏取旨乎孝
莊曰宰相未退而從官求對前此無例綱曰此何時
而用例耶孝莊曰諾卽具奏得旨引對因奏聞諸道
路宰相欲奉陛下出狩以避狄果行之宗社危矣且
太上皇帝以宗社傳陛下今捨之而去可乎上嘿然

靖康要錄卷一

三

太宰白時中曰都城豈可以守綱曰天下城池豈復
有如都城者且宗廟社稷百官萬民所在捨此何之
若能率厲將士慰安民心與之固守豈有不可守之
理語未既有內侍領京城所在陳良弼自內殿出奏
曰京城樓櫓敕修百未及一二又城東樊家岡一帶
濠河淺狹決難保守願陛下詳議之上顧綱曰卿可
同蔡懋良弼往觀朕于此俟卿遂詣新城東壁遍觀
城濠回奏延和殿車駕猶未興也上顧問如何懋對
亦以城濠淺狹不可守綱曰城壁且高樓櫓誠未脩

也然不必樓櫓亦可守濠河惟樊家岡一帶以禁地
不許開鑿誠爲淺狹然以精兵強弩占據可以無虞
上顧宰相曰策將安出宰相皆嘿然綱進曰今日之
計莫若整齊軍馬揚聲出戰團結民心相與堅守以
待勤王之師上曰誰可將者綱曰朝廷平日以高爵
厚祿養大臣益將用之于有事之日今白時中李邦
彥等雖書生未必知兵然藉其位號撫馭將士以抗
敵鋒乃其職也時中曰李綱莫能將兵出戰綱曰陛
下不以臣爲庸懦倘使治兵願以死報第人微官卑

靖康要錄卷一

三

不足以鎮服士卒上顧宰相曰執政有何缺趙野對
曰尙書右丞缺時宇文粹中從道君東幸故也上曰
李綱除右丞而賜袍帶并笏上進膳訖再召對于福
甯殿去留之計未決也宰相又以去計勸上詔綱留
守以李梲副之綱力陳所以不可去者且言唐明皇
間潼關失守卽時幸蜀宗廟朝廷碎于賊手累年然
後僅能復之范祖禹以謂其失在于不能堅守以待
勤王之師今陛下初卽大位中外欣戴四方之兵不
日雲集虜騎必不能久留捨此而去猶龍脫于淵車駕

朝發而都城夕亂雖臣等留侍衛猶于事宗社朝廷
且將邱壘願陛下審思之上意願同而內侍王孝塤
從旁奏曰中宮國公已行陛下豈可留此上色變降
楊曰卿等毋留朕將親往陝西以復都城決不可留
此綱固請會燕越二王至亦以固守爲然上意稍定
卽取紙書可回二字用寶傳中使追還中宮國公因
顧綱曰卿留朕治兵禦寇專以委卿不管少有疎虞
綱皇恐受命與李稅同出治事是夕宿于尙書省宰
執宿于內東門中宮國公之行已遠是夕未還中夜

靖康要錄卷一

古

上遣中使令宰執候軍令狀詰旦決行

聖旨羣山充留守司隨軍計度轉運使

五日聖旨白時中授觀文殿大學士中太乙宮使是
日道路紛紛復傳有南狩之事太廟神主已出寓太
常寺宰相至祥曦殿則禁衛皆已損甲乘輿服御皆
已陳列六宮襍被皆將升車李綱厲聲謂禁衛曰爾
等願以死守宗社乎願扈從以巡幸乎禁衛皆呼曰
願以死守宗社不居此將安之綱因拉殿帥王宗楚
等入見曰陛下昨夕已許臣留今復戒行何也且六

軍之情已變彼有父母妻子皆在都城豈肯捨去萬
一中道散歸陛下孰與爲衛且虜騎已逼彼知乘輿
去不遠以健馬疾追何以禦之上感悟始命撤行綱
謁宰執曰上意已定敢有異議者斬因出祥曦殿傳
旨宣示禁衛皆拜伏呼萬歲上復御宣德門見將士
宰執百官將士班樓前起居上臨欄杆久之復降輦
勞問將士令大臣撰數十語敘金人犯順欲危宗社
決策固守各令勉勵之意俾閭門官宣讀每讀一句
將士聲諾于是固守之議始決

靖康要錄卷一

五

聖旨右丞李綱充親征行營使侍衛親軍步軍副指
揮使曹瑋充親征行營副使置司于大晟府辟參謀
官書寫機宜勾當公事管勾文字準備差使統制統
領準備差使百餘人選差三省吏部戶房人吏數十
人賜銀絹錢一萬貫正兩文臣自朝請大夫以下武
臣自武功大夫以下及將校官告宣帖三千餘道一
切許以便宜從事

聖旨六尙局並依祖宗法

七日制曰門下執三光而遂萬物允資當軸之助遜

五品而鎮四夷尤賴秉鈞之大亟頒延號登冠台符
起復銀青光祿大夫少宰兼中書侍郎李邦彥俊德
明謀宏才遠器學貫天人而守之以虛靜之量識窮
治忽而發之以忱愉之詞蚤冠掄魁旋持從橐嘉猷
婉畫久翔政路之榮偉譽英聲震亞冢司之重粵自
定策彌見竭誠日月增輝方壯朝廷之勢風塵有警
遽深邊鄙之虞盡忠而人絕間言制勝而慮無遺算
謝安之矯情鎮物足抗符秦李靖之料敵臨機何憂
突厥國威既振民志以固是用序陞宅揆之官進貳

靖康集卷一

六

納言之任文階峻陟井賦陪敦以彰體貌之嚴以示
倚畀之厚惟時所望非朕取私于戲杜如晦長于斷
謀坐翊隆平之運姚元崇善于應變永扶康泰之期
勉紹徽聲仁觀不績可特授起復特進太宰兼門下
侍郎

制曰股肱之起元首庸聞帝舜之歌舟楫之濟巨川
備載高宗之命聿求雋望式贊鴻圖在考慎以惟精
顧登庸之敢後誕揚孚號明告治廷通奉大夫守中
書侍郎張邦昌識敏而器安才全而學博潔于行已

靖康集卷一

七

保禮儀廉恥之四維端以立朝茂正直剛柔之三德
粵登應仕亟告嘉猷念天步之方艱憂民心之未定
允資厥難尤賴協恭是用擢陞揆亞之崇進貳上台
之重仍兼官于鳳沼俾亮采于龍墀併衍爰田申加
眞食庸昭異數益示殊私以朕初戰論相之明爲爾
盛年得君之寵於戲牧豎中外矯情當慕于謝安鎮
服邇遐守正宜師于裴度欽承予訓益懋乃恭可特
授正奉大夫少宰兼中書侍郎、制曰熙朝任相當
嚴進退之規明主馭臣宜厚始終之禮惟時端揆翊
我初元顧謀國之未臧肆推恩而許罷特頒渙號用
直具僚特進太宰兼門下侍郎自時中性稟中和心
存豈弟蚤通經術藹賁薛平韋之聲晚被眷知居肅
曹丙魏之地方胡騎猖狂之日乃廟謀經略之時排
難戎庭懦弱訖成于無斷投間其館保全實賴于有
容賜以安車俾還私第爰念上皇之元弼載憫春宮
之舊賓時示眷存聿崇體貌錫隆名于祔殿俾佚任
于殊廷拓衍原田陪敦圭賦於戲恭朱卽之佐嘗克
盡于忠規追赤松之遊尙永綏于壽域祇應異數益

體至恩可特授觀文殿大學士中太一宮使依前特
進慶國公 聖旨令從官舉文武臣僚堪充將帥并
有胆勇者以聞是日金人斡離不軍至城下屯紇生
監差駕部員外郎鄭望之偕工部侍郎充大金軍前
計議使康州防禦使高世則副之自車駕御樓之後
方治都城四壁守具以百步分兵備禦每壁用正兵
萬二千餘人而保甲居民廂軍之屬不預焉修敵樓掛
璚席安砲坐設弩床運磚石施燎炬垂櫺木備火油
凡防守之具無不畢備四壁各有從官宗室武臣爲

靖康要錄卷一

六

提舉司諸門皆有中貴大小使臣分地以守又團結
馬步軍四萬人爲前後左右中軍軍八千人有統制統
領將領隊將等日肄習之以前軍居東水門外護延
豐倉倉有粟豆四十餘萬石其後勤王之師集城外
者賴之以濟以後軍居東門外占欒家岡使賊不可
近而左右中軍居城中以備緩急自五日至七日治
戰守之具粗畢而賊馬至城下
八日聖旨趙野除門下侍郎

王孝廸除中書侍郎

蔡懋除左丞

唐恪除同知樞密院事

吳玠莫儔權直學士院

金人攻西水門以火船數十隻順汴流相繼而下行
營使司募敢死士二千人列布于城下火船至即以
長鉤捍禦搭就岸投石碎之又于中流安頓又木及
運蔡京家假山石疊門道間就水中斬獲百餘人自
初夜防守達旦方定金人攻城北武泰軍節度河東
河北路置制使兼副統制何灌死之虜使吳孝先來

靖康要錄卷一

五

詔遣李稅鄭望之高世則同詣斡離不軍

九日傳報賊攻封邱酸棗門一帶甚急詔行營使李
綱往督將士捍禦綱慮城上兵卒不足用即乞禁衛
班直善射者千人以從上遣御藥盧瑞同行傳旨時
所乞兵至門賊方渡濠以雲梯攻城班直乘城射之
皆應弦而倒將士無不買勇近者以手砲櫺木擊之
遠者以神臂弓強弩射之又近者以床子弩坐砲及
之而金賊有乘機渡濠而溺者有登梯而墜者有中
矢石而墜者甚眾又募壯士數百人縋城而下燒雲

梯數十座斬獲酋首十餘級皆有金環是日賊攻陳橋封邱衛州等門而酸棗門尤急矢集城上如蜩毛士卒亦有中傷者皆厚賞之上遣中使勞問降御筆褒諭給內庫酒銀棧絲絹等以賞將士人皆歡呼自卯至未申間殺賊數千人賊知有備不可攻乃退因遣使隨李鄴請和抵城下已昏黑矣

虜使蕭三寶奴耶律忠王泃并給事中李鄴來獻王帶玉篋刀名馬各一

聖旨朝散大夫提舉江州太平觀許願除給事中

靖康要錄卷二

三

十日聖旨大金所需犒軍等物數浩濫朝廷雖竭力應副如供祀宗廟器皿亦不敢吝至於親王內外百官之家已行告諭盡數供助尙恐未能供數忠義之民理宜體國將私家所有願助國用者限日下于戶部尙書蕭山等處送納朕當與汝等共享安泰令開封府多出榜告諭

聖旨大金國重兵攻打京城欲盡行殺戮般取財物朝廷以生靈爲念遣使議和只要金銀犒設人馬方肯退回朝廷將一應官司庫務見在并文武臣僚之

家金銀應副外尙未數數今來事不獲已理須權宜措置庶免吾民肝腦塗地可應在京士庶之家將見在金銀權行借用限日下于左藏庫送納如有隱漏藏匿並當籍沒家財仍許人告以所藏之物給半充賞如納數多當議量度于文武官內安排與理選限不礙正法理爲官戶注授便差遣

勅門下朕以寡昧履承至尊任大而守重碩德弗類不能仰當天意屈鄰入寇割地尋盟遣傳多壘于四郊豈特盛國之百里征求財賄虔劉邊陲朕甚惡焉

靖康要錄卷二

三

延問公卿側席而坐夙夜祗畏不遑康寧思弭艱虞宜從貶損自今月十一日避正殿減常膳冀上天助順萬國効忠交扶不拔之基永底丕平之治故茲詔示想宜知悉御筆蕃衍宅諸王府所有金銀絹帛並只今交付朝廷以大金所要如違並從軍法

是日韓離不移軍牟馳岡乃城外西北隅地也岡勢隱然如沙磧三面阻水前枕霧澤陂卽孳生監牧馬之所芻豆山積宣和中郭藥師來太上皇命打毬于此知其可立營柵故虜至徑趨其所實藥師導之虜